

四庫全書

集部

欽定四庫全書

御定全唐詩卷二百六十六

顧況

洛陽早春

何地避春愁  
終年憶舊遊  
一家千里外  
百舌五更頭  
客路偏逢雨  
鄉山不入樓  
故園桃李月  
伊水向東流

步虛詞

太清宮作

迥步遊三洞  
清心禮七真  
飛符超羽翼  
焚

一作禁

火醮星

辰殘藥沾雞犬靈

一作空

香出鳳麟壺中無窄處願得一

容身

鄱陽大雲寺一公房

盡日陪遊處斜陽

一作暉

竹院清定中觀有漏言外

一作下

證無生色界聊傳法空門不用情欲知相去近鐘鼓兩  
聞聲

送友失意南歸

衣揮京洛塵完璞伴歸人故國青山徧滄江白髮新鄰

荒收酒幔屋古布苔茵不用通名姓漁樵共主賓

南歸

老病力難任猶多鏡雪侵鱸魚消宦況鷗鳥識歸心急  
雨江帆重殘更驛樹深鄉關殊可望漸漸入吳音

閒居自述

榮辱不關身誰為疎與親有山堪結屋無地可容塵白  
髮偏添壽黃花不笑貧一樽朝暮醉陶令果何人

題歛

一作攝

山棲霞寺

明徵君舊宅陳後主題詩跡在人亡處山空月滿時寶  
瓶無破響道樹有低枝已是傷離客仍逢靳尚祠

經廢寺

前半首一本  
作五言絕句

不知何世界有處似南一作前朝石路無人掃松門被火

燒斷幡猶挂剎故板尚搯橋數卷殘經在多年字欲銷

送李道士

一本題下有歸  
桃花庵四字

人境年虛擲仙源日未斜羨君垂竹杖辭我隱桃花鳥

去寧知路雲飛似憶家莫愁客鬢

一作髮

改自有紫河車

酬唐起居前後見寄二首

愁人空望國驚鳥不歸林  
莫話彈冠事誰知結襪心  
霜凋樹吹斷土蝕劍痕深  
欲作懷沙賦明時恥自沈  
何處弔靈均江邊一老人  
漢儀君已接楚奏我空頻  
直道其如命平生不負神  
自傷庾子曰鵬鳥上承塵

奉酬茅山贈賜并簡綦母正字

一本題上作奉酬韋夏卿送歸

茅山

玉帝居金闕靈山幾處朝  
簡書猶有畏神理詎能超  
鶴

廟新家近龍門舊國遙離懷結不斷玉洞

一作洞府

一吹簫

白蘋洲送客

莫信梅花發由來謾報春不才充野客扶病送朝臣闕  
下搖青珮洲邊採白蘋臨流不痛飲鷗鳥也欺人

春鳥詞送元秀才入京

春來繡羽齊暮向竹林栖禁苑銜花出河橋隔樹啼尋  
聲知去遠顧影念飛低別有無巢鷺猶窺幕上泥

別江南

江城吹曉角愁殺遠行人  
漢將猶防虜吳官欲向秦  
布帆輕白浪錦帶入紅塵  
將底求名宦平生但任真

空梁落燕泥

卷幕參差

一作差池

燕常銜濁水泥為黏珠履跡未等畫梁

齊舊點痕猶淺新巢緝尚低  
不緣頻上落那得此飛棲  
上元夜憶長安

滄州老一年老去憶秦川  
處處逢珠翠家家聽管絃  
雲車龍闕下火樹鳳樓前  
今夜滄州夜滄州夜月圓



酬揚州白塔寺永上人

塔上是何緣香燈續細煙松枝當塵尾柳絮替蠶綿浮  
草經行徧空花義趣圓我來雖為法暫借一牀眠

送韋秀才赴舉

鄱陽中酒地楚老獨醒年芳桂君應折沈灰我不然洛  
橋浮逆水關樹接非一作飛煙唯有殘生夢猶能到日邊

送使君

天中洛陽道海上使君歸拂霧趨金殿焚香入璵闌山

亭傾別酒野服間朝衣他日思朱鷺知從小苑飛

歷陽苦雨

一作夜雨

襄

一作哀

城秋雨晦楚客不歸心亥市風煙接隋宮草路

深離憂翻獨笑用事感浮陰夜夜空塔響唯餘蚯蚓

一作

蚯蚓吟

傷大理謝少卿

舊館絕逢迎新詩何處呈空留封禪草已作岱宗行柳

蠹風吹析

一作折

塔崩雪遶平無因重來此剩哭兩三聲

經徐侍郎墓作

不知山吏部墓作

一作在

石橋東宅兆鄉關異平生翰墨

空夜泉無曉日枯樹足悲風更想幽冥事唯應有夢同

鄧公合祔挽歌

草露前朝事荆茅聖主封空傳餘竹帛永絕舊歌鐘清  
鏡無雙影窮泉有幾重笳簫最悲處風入九原松

相國晉公挽歌二首

玉節朝天罷洪爐造化新中和方作聖太素忽收神盛

德橫千古高標出四鄰欲知言不盡處處有遺塵

凝笳催曉奠丹旄向青山夕照新塋近秋風故吏還本

朝

一作期

光漢代從此掃胡關今日天難問浮雲滿世間

晉公魏國夫人柳氏挽歌

魚軒海上遙鸞影月中銷雙劍來時合孤桐去日凋  
夕陽迷隴隧秋雨咽笳簫畫翬無留影銘旌已度橋

義川公主挽詞

弄玉吹簫後湘靈鼓瑟時月邊丹桂落風底白楊悲  
雜

珮分泉戶餘香出總帷夜臺飛鏡匣偏共掩蛾眉

憶山中

春還不得還家在最深山蕙圃泉澆濕松窗月映閒薄  
田臨谷口小職向人間去處但無事重門深閉關

送大理張卿

一題作送  
張衛尉

春色依依惜

一作傷

解攜月卿今夜泊隋堤白沙洲上江

籬長綠樹村邊謝豹啼遷客比

一作此  
又作本

來無倚仗故人

相去隔雲泥越禽唯有南枝分目

一作自

送孤

一作歸

鴻飛

向西

宿湖邊山寺

羣峰過雨澗淙淙松下扉扃白鶴雙  
香透經窗籠檜栢雲生梵宇濕旛幢  
蒲團僧定風過席葦岸漁歌月墮江  
誰悟此生同寂滅老禪慧力得心降

湖南客中春望

鳴雁嘹嘹北向頻淶波何處是通津  
風塵海內憐雙鬢涕淚天涯慘一身  
故里音書應望絕異鄉景物又更新

便拋印綬從歸隱  
吳渚香蓴漫吐春

閒居懷舊

日長鼓腹愛吾廬  
洗竹澆花興有餘  
騷客空傳成相賦  
晉人已負絕交書  
貧居謫所誰推轂  
仕向侯門恥曳裾  
今日思來總皆罔  
汗青功業又何如

寄江南鶴林寺石冰上人

山川重復出一作重復心地間相逢  
忽憶秋江月如聞古

寺鐘湖平南北岸  
雲抱兩三峯  
定力超香象  
真言攝毒

龍風中何處鶴石上幾年松為報煙霞道人間共不容

樂府

暖谷春光至宸遊近甸榮雲隨天仗轉風入御簾輕翠  
蓋浮佳氣朱樓倚太清朝臣冠劍退宮女管絃迎細草  
承雕輦繁花入幔城文房開聖藻武衛宿天營玉醴隨  
觴至銅壺逐漏行五星含土德萬姓徹中聲親祀先崇  
典躬推示勸耕國風新正樂農器近銷兵道德關河固  
刑章日月明野人同鳥獸率舞感昇平



送從兄

一有奉字

使新羅

六氣銅渾轉三光玉律調  
河宮清奉賁海嶽晏來朝  
地

絕提封入天平賜

一作錫

貢饒揚威輕破虜柔服恥征遼

曙色黃金闕寒聲白鷺潮  
樓船非習戰驄馬是嘉招  
帝

女飛銜石鮫人賣淚綃  
管寧雖不偶徐市

一作穉

儻相邀

獨島緣空翠孤霞上泐寥  
蟾蜍同漢月蟬蛩異秦橋  
水

豹橫吹浪花鷹迥拂霄晨  
裝凌莽渺夜泊記招搖幾  
路

通員嶠何山是沃焦  
颶風晴汨

一作白

起陰火暝潛燒鬚

一作  
鬢髮成新髻人參長舊苗扶桑銜一作迎日近析木帶

津遙夢向愁中積魂當別處銷臨川思結網見彈欲求

鶚一作鵬共散羲和厯誰差甲子朝滄波伏一作仗忠信譯

語辨謳謠疊鼓鯨鱗隱陰帆鷁首飄南溟垂大翼西海

飲文鯉文選吳都賦注文鯉常行西海而遊東海指景尋靈草排雲聽洞簫

封侯萬里外未肯後班超

### 山居即事

下泊降茅仙蕭閒隱洞天楊君閒上法司命駐流年崦

合桃花水窗分柳谷煙抱孫堪種樹倚杖問耘田世事  
休相擾浮名任一邊由來謝安石不解飲靈泉

題廬道士房

秋砧響落木共坐茅君家唯見兩童子門外汲井花空  
壇靜白日神鼎飛丹砂塵尾拂霜草金鈴搖霽霞上章  
塵世隔看弈桐陰斜稽首問仙要黃精堪餌花

御定全唐詩卷二百六十六

欽定四庫全書

御定全唐詩卷二百六十七

顧況

夢後吟

醉中還有夢身外已無心  
明鏡唯知老青山何處深

題靈山寺

戰鳥

覺地本隨身靈山重結因  
如何戰鳥佛不化捕魚人

題元陽觀舊讀書房贈李範

此觀十年遊此房千里宿還來舊窗下更取君書讀

永嘉

東甌傳舊俗風日江邊好何處樂神聲夷歌出煙島

青弋江

淒清回泊夜淪波激石響村邊草市橋月下罟師網

聽山鷓鴣

誰家無春酒何處無春鳥夜宿桃花村踏歌接天曉

山逕柳

以下十四首一作臨平塢雜題

宛轉若遊絲淺深栽綠掩年年立春後即被啼鶯占

石上藤

空山無鳥跡何物如人意委曲結繩文離披草書字

薜荔菴

薜荔作禪菴重疊菴邊樹空山徑欲絕也有人知處

芙蓉榭

風擺蓮衣乾月背鳥巢寒文魚翻亂葉翠羽上危欄

歌松漪

湛湛碧連漪老松欹側卧悠揚綠蘿影下拂波紋破  
焙茶塢

新茶已上焙舊架憂生醖旋旋續新烟呼兒劈寒木

彈琴谷

谷中誰彈琴琴響谷冥寂因君扣商調草蟲驚暗壁

白鷺汀

霍靡汀草碧淋霖鷺毛白夜起沙月中思量捕魚策

千松嶺

終日吟天風有時天籟止問渠何旨意恐落凡人耳

黃菊灣

時菊凝曉露露華滴秋灣仙人釀酒熟醉裏飛空山

臨平湖

采藕平湖上藕泥封藕節船影入荷香莫衝蓮柄折

山春洞

引燭踏仙泥時時亂乳燕不知何道士手把靈書卷

石竇泉



吹沙復噴石曲折仍圓旋野客漱流時杯粘落花片

古仙壇

遠山誰放燒疑是壇邊醺仙人錯下山拍手壇邊笑

題山頂寺

遙聞林下語知是經行所日暮香風時諸天散花雨

天寶題壁

五十餘年別伶俚傳道不行却來書處在惆悵似前生

哭李別駕

故人行跡滅秋草向南悲不欲頻回步孀妻正哭時

春雨不聞百舌

百舌春來啞愁人共待晴不關秋水事飲恨亦無聲

憶鄱陽舊遊

悠悠南國思夜向江南泊楚客斷腸時月明楓子落

春懷

園鶯啼已倦樹樹隕香紅不是春相背當由已自翁

洛陽陌二首

鶯聲滿御隄  
隄柳拂絲齊  
風送名花落  
香紅襯馬蹄  
珂珮逐鳴騶  
王孫結伴遊  
金丸落飛鳥  
乘興醉青樓

寄淮上柳十三

葦蕭中闕戶  
相映綠淮流  
莫訝春潮闊  
鷗邊可泊舟

送李泌

末句缺

昔別吳堤雨  
春帆去較遲  
江波千里綠

山中夜宿

涼月掛層峰  
蘿牀落葉重  
掩關深畏虎  
風起撼長松

登樓

高閣成長望江流雁叫哀淒涼故吳事麋鹿走荒臺

江上

江清白鳥斜蕩槳宵蘋花聽唱菱歌晚迴塘月照沙

溪上

採蓮溪上女舟小怯搖風驚起鴛鴦宿水雲撩亂紅

田家

帶水摘禾穗夜擣具晨炊縣帖取社長嗔怪見官遲

宿山中僧

不熟香爐煙蒲團坐如鐵嘗想同夜禪風隨松頂雪

梅灣

白石盤盤磴清香樹樹梅山深不吟賞辜負委蒼苔

思歸

不能經綸大經甘作草莽閒臣青瑣應須長別白雲漫  
與相親

歸山作

心事數莖白髮生涯一片青

一作春

山空林有雪相待古

道

一作路

無人獨還

過山農家

板橋人渡泉聲節簷日午雞鳴莫嗔焙茶煙暗却喜曬  
穀天晴

代佳人贈別

萬里行人欲渡溪千行珠淚滴為泥已成殘夢隨君去  
猶有驚烏半夜啼

憶故園

惆悵多山人復稀  
杜鵑啼處淚霑衣  
故園此去千餘里  
春夢猶能夜夜歸

題葉道士山房

水邊垂

一作楊

柳赤欄橋洞裏仙人碧

一作吹

玉簫近得麻

姑音

一作書

信否潯陽江

一作向

上不通潮

送李秀才入京

五湖秋葉滿行船  
八月靈槎欲上天  
君向

一作入

長安余

適越獨登秦望

一作嶺

望秦川

越中席上

一作局席

看弄老人

不到山陰十二春

一作會

鏡中相見白頭新  
此生不復為

年少今日從他弄老人

聽劉安唱歌

子

一作午

夜新聲何處傳  
悲翁

一作歌

更憶太平年  
即今法

曲無人唱已逐霓裳飛上天

櫻桃曲



百舌猶來上苑花  
遊人獨自憶京華  
遙知寢廟嘗新後  
勅賜櫻桃向幾家

山中

一作朱放詩題  
作山中聽子規

野人愛向

一作自愛

山中宿  
況在葛洪丹井西  
庭前有箇長

松樹  
夜半子規來上啼

贈

一作貽

朱放

野客歸時無四鄰  
黔婁別久案常貧  
漁樵舊路不堪入  
何處空山猶有人

江村亂後

江村日暮尋遺老  
江水東流橫浩浩  
竹裏閒窗不見人  
門前舊路生青草

望簡寂觀

青嶂青溪直復斜  
白雞白犬到人家  
仙人住在最高處  
向晚春泉流白花

五兩歌送張夏

竿頭五兩風裊裊  
水上雲帆逐飛鳥  
送君初出揚州時

靄靄曠曠江溢曉

臨海所居三首

此是昔年征戰處曾經永日絕人行  
千家寂寂對流水  
唯有汀洲春草生

此去臨溪不是遥樓中望見赤城標  
不知疊嶂重霞裏  
更有何人度石橋

家在雙峰蘭若邊一聲秋磬發孤煙  
山連極浦鳥飛盡

月上青林人未眠

此首題一作  
江上故居

聽角思歸

故園黃葉滿青苔  
夢後城頭曉角哀  
此夜斷腸人不見  
起行殘月影徘徊

酬柳相公

紀事有時宰曹招致將以好官命之況以詩答之

天下一作四海如今已太平  
相公何事一作用喚狂生  
箇身恰

一作此生還似籠中鶴  
東望滄溟一作瀛洲  
呌數一作聲

題明霞臺

野人本自不求名  
欲向山中過一生  
莫嫌憔悴無知己

別有煙霞似弟兄

哭絢法師

楚客停橈欲問誰  
白沙江草麴塵絲  
生公手種殿前樹  
唯有花開鷓鴣悲

送柳宜城葬

鳴笳已逐春風咽  
匹馬猶依舊路嘶  
遙望柳家門外樹  
恐聞黃鳥向人啼

宮詞五首

禁柳煙中聞曉鳥風吹玉漏盡銅壺內官先向蓬萊殿  
金合開香瀉御鑪

玉樓天半起笙歌風送宮嬪笑語和月殿影開聞夜漏

水精簾卷近銀

一作秋

河

玉階容衛宿千官風獵青旂曉仗寒侍女先來薦瓊藥  
露漿新下九霄盤

九重天樂降神仙步舞分行踏錦筵嘈囀一聲鐘鼓歌  
萬人樓下拾金錢

金吾持戟護新簷  
天樂聲傳萬姓瞻  
樓上美人相倚看  
紅妝透出水精簾

尋桃花嶺潘三姑臺

桃花嶺上覺天低  
人上青山馬隔溪  
行到三姑學仙處  
還如劉阮二郎迷

夜中望仙觀

日暮銜花飛鳥還  
月明溪上見青山  
遙知玉女窗前樹  
不是仙人不得攀

送李侍御往吳興

一題作送李侍郎從宣城取洞庭路往吳興

世間只

一作唯

有情難說今夜應無不醉人若向洞庭山

下過暗知澆瀝聖姑神

奉和韓晉公晦日呈諸判官

一本無下四字

江南無處不聞歌晦日中軍樂更多不是風光催柳色  
却緣威令動陽和

子規

杜宇冤亡積有時年年啼血動人悲若教恨魄皆能化



何樹何山着子規

海鷗詠

萬里飛來為客鳥  
曾蒙丹鳳借枝柯  
一朝鳳去梧桐死  
滿目鴟鵂奈爾何

贈韋清

一作青

將軍

身執金吾主禁兵  
腰間寶劍重橫行  
接輿亦是狂歌者  
更就將軍乞一聲

青善歌

贈僧二首

家住義興東舍溪溪邊莎草雨無泥上人一向心入定  
春鳥年年空自啼

出頭皆是新年少何處能容老病翁更把浮榮喻生滅  
世間無事不虛空

登樓望水

鳥啼花發柳含煙擲却風光憶少年更上高樓望江水  
故鄉何處一歸船

湖中

一作洞庭秋日

青草湖邊日色低黃茅嶂裏鷓鴣啼  
大夫飄蕩今如此  
一曲長歌楚水西

歲日作

一作歲日口號

不覺老將春共至更悲攜手幾人全  
還丹寂寞羞明鏡  
手把屠蘇讓少年

山中贈客

山中好處無人別澗梅偽作山中雪  
野客相逢夜不眠  
山中童子燒松節

王郎中妓席五詠

箜篌

玉作搔頭金步搖  
高張苦調響連宵  
欲知寫盡相思夢  
度水尋雲不用橋

舞

汗浥新裝畫不成  
絲催急節舞衣輕  
落花遶樹疑無影  
回雪從風暗有情

歌

一作王郎  
中席歌妓

柳拂青樓花滿衣能歌宛轉世應稀  
空中幾處聞清響  
欲遶行雲不遣飛

箏

秦聲楚調怨無窮隴水胡笳咽復通  
莫遣黃鶯花裏轉  
參差撩亂妬春風

笙

欲寫人間離別心須聽鳴鳳似龍吟  
江南曲盡歸何處  
洞水山雲知淺深

送李山人還玉溪

好鳥共鳴臨水樹  
幽人獨欠買山錢  
若為種得千竿竹  
引取君家一眼泉

送少微上人還鹿門

少微不向吳中隱  
為箇生緣在鹿門  
行入漢江秋月色  
襄陽耆舊幾人存

宿昭應

武帝祈靈太乙壇  
新豐樹色繞千官  
那一作知今夜長

生殿獨閉山門

一作空山

月影寒

題琅邪上方

東晉王家在

一作住

此溪南朝樹色隔窗低碑沈字滅昔

人遠谷鳥猶向寒花啼

安仁港口望仙人城

樓臺采翠遠分明聞說仙家在此城欲上仙城無路上  
水邊花裏有人聲

寄祕書包監

一別長安路幾千遙知舊日主人憐賈生只是三年謫  
獨自無才已四年

小孤山

古廟楓林江水邊寒鴉接飯雁橫天大孤山遠小孤出  
月照洞庭歸客船

送李秀才遊嵩山

嵩山石壁挂飛流無限神仙在上頭采得新詩題石壁  
老人惆悵不同遊



從剡溪至赤城

靈溪宿處接靈山，窈映高樓向月閒。  
夜半鶴聲殘夢裏，猶疑琴曲洞房間。

葉上題詩從苑中流出

花落深宮鶯亦悲

一作愁見鶯啼柳絮飛

上陽宮女斷腸時，君恩

不閉東流水，葉上題詩寄與

一作欲寄誰

崦裏桃花

崦裏桃花逢女冠，林間杏葉落仙壇。  
老人方授上清籙，

夜聽步虛山月寒

聽子規

一本題上有攝山二字

樓霞山中子規鳥口邊血出啼不了山僧後夜初出

一作

入定聞似不聞山月曉

竹枝曲

一作詞

帝子蒼梧不復歸洞庭葉下荆

一作楚

雲飛巴人夜唱竹

枝後腸斷曉猿聲漸稀

尋僧二首

方丈玲瓏花竹間已將心印出人間  
家家門外長安道  
何處相逢是寶山

彌天釋子本高情往往山中獨自行  
莫怪狂人游楚國  
蓮花只在淤泥生

桃花曲

魏帝宮人舞鳳樓隋家天子泛龍舟  
君王夜醉春眠晏  
不覺桃花逐水流

贈遠

暫出河邊思遠道却來窗下聽新鶯故人一別幾時見  
春草還從舊處生

早春思歸有唱竹枝歌者坐中下淚

渺渺春生楚水波楚人齊唱竹枝歌與君皆是思歸客  
拭淚看花奈老何

送郭秀才

故人曾任丹徒令買得青山擬獨耕不作草堂招遠客  
却將垂柳借啼鶯

宮詞

長樂宮連上苑春  
玉樓金殿豔歌新  
君門一入無由出  
唯有宮鶯得見人

悼稚

稚子比來騎竹馬  
猶疑只在屋東西  
莫言道者無悲事  
曾聽巴猿向月啼

山僧蘭若

絕頂茅菴老此生  
寒雲孤木伴經行  
世人那得知幽徑

遙向青峰禮磬聲

句

崦合桃花水窗鳴柳谷泉

題柳谷泉見應天府志

顏垣化為陂

陸地堪乘舟

以下並見張為主客圖

汀洲渺渺江籬短疑是疑

非兩斷腸

巫峽朝雲暮不歸洞庭春水晴空滿

龍

吟四澤欲興雨鳳引九雛警宿烏

七星管歌通典

新婦磯邊

月明女兒浦口潮平

漁父詞野客叢談



御定全唐詩卷二百六十七

# 欽定四庫全書

集部

御定全唐詩卷二百六十八  
九

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣何延禮



欽定四庫全書

御定全唐詩卷二百六十八

耿漳

耿漳字洪源河東人登寶應元年進士第官右拾遺工詩與錢起盧綸司空曙諸人齊名號大歷十才子漳詩不深琢削而風格自勝集三卷今編詩二卷

發南康夜泊瀨石中

倦客乘歸舟春溪杳將暮羣林結暝色孤泊有佳趣夜

山轉長江赤月吐深樹颯颯松上吹泛泛

一作泥

花間露

險石俯潭渦跳湍礙沿沂豈唯垂堂戒兼以臨深懼稍  
出回雁峰明登斬蛟柱連雲向重山杳未見鍾路

過王山人舊居

故宅春山中來逢

一作遲

夕陽入汲少井味變開稀戶樞

澀樹朽鳥不棲階閒雲自濕先生何處去惆悵空獨立

晚次昭應

落日向林路東風吹麥隴藤草蔓古渠牛羊下荒塚驪

宮戶久閉溫谷泉長湧為問全盛時何人最榮寵

聽早蟬歌

蟬鳴兮夕曛聲和兮夏雲白日兮將短秋意兮已滿乍

悲鳴兮

一作吟

兮欲長猶嘶澀兮多斷風蕭蕭兮轉清韻嘒

嘒兮初成依婆婆之古樹思遼落之荒城閒院支頤深

林倚策猶

一作獨

惆悵而無語鬢星星而已白

蘆花動

連素穗翻秋氣細節踈莖任長吹共作月中聲孤舟發

鄉思

賦得寒蛩

爾誰造鳴何早  
趯趯連聲徧階草  
復與夜雨和遊人  
聽堪老

宣城逢張二南史

全家宛陵客文雅世難逢  
寄食年將老干時計未從  
秋來句曲水雨後敬亭峯  
西北長安遠登臨恨幾重

題童子寺

半偈留何處全身棄此中  
雨餘沙塔壞月滿雪山空  
剎臨回磴朱樓間碧叢  
朝朝日將暮長對晉陽宮

夏日寄東溪隱者

日華浮野草色合遙空  
處處山依舊年年事不同  
閒田孤壘外暑雨片雲中  
惆悵多塵累無由訪釣翁

之江淮留別京中親故

長雲迷一雁漸遠向南聲  
已帶千霜鬢初為萬里行  
繁蟲滿夜草連雨暗秋城  
前路諸侯貴何人重客卿

太原送許侍御出幕歸東都

昔隨劉越石今日獨歸時  
汾水風煙冷并州花木遲  
荒庭增別夢野雨失行期  
莫向山陽過隣人夜笛悲

華州客舍奉和崔端公春城曉望

不語看芳徑悲春嬾獨行  
向人微月在報雨早霞生  
貧病催年齒風塵掩姓名  
賴逢驄馬客郢曲緩羈情

題清蘿翁雙泉

側弁向清漪門中夕照移  
異源生暗石疊響落秋池  
葉

擁沙痕沒流回草蔓隨泠泠無限意不獨遠公知

酬李文

汶一作

落照長楊苑秋天渭水濱初飛萬木葉又長一年人貧病仍為客艱虞更問津多慙惠然意今日肯相親

贈嚴維

許詢清論重寂寞住山陰野路接

一作客投

寒

一作荒

寺閒門

當

一作傍

古林海田秋熟早湖水夜漁深世上窮通理誰

人

一作能

奈此心

春日題苗發竹亭

春亭及策上郎吏謝玄暉閒詠疎篁近高眠遠岫微偏  
宜留野客暫得解朝衣猶憶東溪裏雷一作當雲掩故扉

題孝子陵

荒墳秋陌上霜露正霏霏松柏自成拱苦廬長不歸浮  
埃積蓬鬢流血在一作存麻衣何必曾參傳千年至行稀

題莊上人房

不語焚香坐心知道已成流年衰此世定力見他生暮



雪餘春冷寒燈續晝明尋常五侯至敢望下階迎

宋中

日暮黃雲合年深白骨稀舊村喬木在秋草遠人歸廢  
井莓苔厚荒田路徑微唯餘近山色相對似依依

秋夜思歸

來時猶暑服今已露漫漫多雨逢初霽深秋生夜寒投  
人心似一作自切為客事皆難何處無留滯誰能暫問看

送李端

世上許劉楨洋洋風雅聲客來空改歲歸去未成名遠  
近天初暮關河雪半晴空懷諫書在回首戀承明

送崔明府赴青城

清冬賓御出蜀道翠微間遠霧開羣壑初陽照近關霜  
潭浮紫菜雪棧繞青山當似遺民去柴桑政自閒

送王將軍出塞

漢家邊事重竇憲出臨戎絕漠秋山在陽關舊路通列  
營依茂草吹角向高風更就燕然石行看秦虜功

一作  
看銘

破虜  
功

雨中留別

東西無定客風雨未休時  
憫默此中別飄零何處期  
青山違舊隱白髮入新詩  
歲歲迷津路生涯漸可悲

送楊將軍

一身良將後萬里討烏孫  
落日邊陲靜秋風鼓角喧  
遠山當磧路茂草向營門  
生死酬恩寵功名豈敢論

送夏侯審遊蜀

暮峰和玉壘回望不通秦更問蜀城路但逢巴語人石  
林鶯囀曉板屋月明春若訪嚴夫子無嫌卜肆貧

送張侍御赴郴州別駕

佐郡人難料分襟日復斜一帆隨遠水百口過長沙明  
月江邊夜平陵夢裏家王孫對芳草愁思杳無涯

送苗贊

一作斌

赴陽翟丞

夕陽芳草上去馬弟兄看年少初辭闕時危遠效官山  
行獨夜雨旅宿二陵寒詩興生何處嵩陽羽客壇

送絳州郭參軍

遠事諸侯出青山古晉城連行麴水閣獨入議中兵夜  
雨新田濕春風曙角鳴人傳府公政記室有參卿

常州留別

萬里南天外求書禹穴間往來成白首旦暮見青山夜  
浦涼雲過秋塘好月閒殷勤陽羨桂別此幾時攀

關山月

月明邊徼靜戍客望鄉時塞古柳衰盡關寒榆發遲蒼

蒼萬里道戚戚十年悲今夜青樓上還應照一作有所思

代宋州將淮上乞師

脣齒相依危亡故遠

一作郡

歸身輕

一作經

百戰出

一作後

家在數重圍上將堅深壘殘兵鬪落暉常聞鐵劒利早晚借餘威

秋晚臥疾寄司空拾遺曙盧少府綸

寒几坐空堂疎髯似積霜老醫迷舊疾朽藥誤新方  
晚果紅低樹秋苔綠徧牆慙非蔣生徑不敢望求羊

贈海明上人

一作贈朗公

來自西天竺

一作竺國

持經奉紫微年深梵語變行苦俗流

一作人

歸月上安禪久苔生出院稀梁間有馴鴿不去復

一作亦

何依一作為無機

津亭有懷

津亭一望鄉淮海晚茫茫草沒棲洲鷺天連暝浦檣往  
來通楚越旦暮易漁商惆悵緘書畢何人向洛陽

晚投江澤浦即事呈柳兵曹泥

落日過重霞輕烟上遠沙移舟衝荇蔓轉浦入蘆花斷  
岸迂來客連波漾去槎故鄉何處在更道向天涯

東郊別業

東臯占薄田耕種過餘年護藥栽山刺澆蔬引竹泉晚  
雷期稔歲重霧報晴天若問幽人意思齊沮溺賢

早朝

鐘鼓餘聲裏千官向紫微冒寒人語少乘月燭來稀清  
漏聞馳道輕霞映瑣闌猶看嘶馬處未啟掖垣扉



屏居整屋

百年心不料一卷日相知  
乘興偏難改憂家是強為  
縣城寒寂寞峰樹遠參差  
自笑無謀一作媒者祇應道在斯

進秋隼

豈悟因羅者迎霜獻紫微  
夕陽分素臆秋色上花衣  
舉翅雲天近回眸燕雀稀  
應隨明主意百中有光輝

詠宣州筆

寒竹慙虛受纖毫任幾重  
影端緣守直心勁懶藏鋒  
落

紙驚風起搖空見露濃丹青與文事捨此復何從

春日洪州即事

鍾陵春日好春水滿南塘竹宇分朱閣桐花間綠楊蹉  
跎看鬢色留滯惜年芳欲問羈愁發秦關道路長

雪後宿王純池州草堂

宿君湖上宅琴韻靜參差夜雪入秋浦孤城連貴池流  
年看共老銜酒發中悲良會應難再晨難自有期

旅次漢故一作時

我行過漢時寥落見孤城  
邑里經多難兒童識五兵  
廣川桑遍綠叢薄雉連鳴  
惆悵蕭關道終軍願請纓

過三郊驛却寄楊評事時此子郭令公欲有表薦

冉冉青衫客悠悠白髮人  
亂山孤驛暮長路百花新  
終歲行他縣全家望此身  
更思君去就早晚問平津

隴西行

雪下陽關路人稀隴戍頭封狐  
猶未翦邊將豈無羞白

草三冬色黃雲萬里愁因思李都尉畢竟不封侯

巴陵逢洛陽鄰舍

一作書情  
逢故人

因君知北

一作世

事流浪

一作恨

已忘機客久

一作久客

多人識

一作厭

年高

一作高年

衆病歸連雲湖

一作朝

色遠度雪雁聲稀

又說家林盡悽傷淚滿衣

哭張融

早歲能文客中年與世違有家孀婦少無子弔人稀總

帳塵空暗

一作積

銘旌雨不飛依然舊鄉路寂寞幾回歸

送友貶嶺南

暮年從遠謫落日別交親  
湖上北飛雁天涯南去人  
夢成湘浦夜淚盡桂陽春  
歲月茫茫意何時雨露新

春日即事二首

詩書成志業  
嬾慢致蹉跎  
聖代丹霄遠  
明時白髮多  
淺謀堪自笑  
窮巷憶誰過  
寂寞前山暮

一作路

歸人樵採歌

數畝東臯宅  
青春獨屏居  
家貧僮僕慢  
官罷友朋疎  
強飲沽來酒  
羞看讀了書  
閑花開一作更滿地  
惆悵復何如

贈田家翁

老人迎客處籬落稻畦間  
蠶屋朝寒閉田家晝雨閒  
門

間新薙草蹊徑

一作樵採

舊諳山自道誰相及

一作友

邀予試

往還

贈韋山人

失意成逋客終

一作經

年獨掩扉無機狎鷗慣  
多病見人

稀流水知行藥孤雲伴採薇  
空齋莫閒笑

一作暮還坐

心事

與時違

濬公院懷舊

遠公傳教畢身沒向他方  
弔客來何見門人閉影堂  
紗燈臨古砌塵札在空牀  
寂寞疎鐘後秋天有夕陽

雨中宿義興寺

遙夜宿東林蟲聲階草深  
高風初落葉多雨未歸心  
家國身猶負星霜鬢已侵  
滄洲縱不去何處有知音

送王祕書歸江東

回首望知音逶迤桑柘林  
人歸海郡遠路入雨天深  
萬

木經秋葉孤舟向暮心唯餘江畔草應見白頭吟

渭上送李藏器移家東都

求名雖

一作須

有據

一作援

學稼

一作道

又無田

一作緣

故國三

千里新春五十年移家還作客避地莫知賢洛浦今何處風帆去渺然

春尋柳先生

言是商山老塵心莫問年白髯垂策短烏帽據梧偏酒熟飛巴雨丹成見海田疎雲披遠水景動石牀前



題藏公院

古院林公住，疎篁近井桃。俗年人見少，禪地自知高。藥

草

一作物

誠多喻滄溟，在一毫。仍悲次宗輩，塵事日為勞。

夏夜西亭即事寄錢員外

高亭賓客散，暑夜醉相和。細汗迎

一作凝

衣集微涼，待扇

過風還。池色定月晚，樹陰多遙想。隨行者珊珊，動曉珂。

與清江上人及諸公宿李八昆季宅

湯公多外友，洛社自相依。遠客還登會，秋懷欲忘歸。驚

風林果少驟雨砌蟲稀更過三張價東遊愧陸機

春日即事

鄰里朝光徧披衣夜醉醒庖廚非舊火林木發新青接  
果移天性疎泉逐地形清明來幾日戴勝已堪聽

秋夜會宿李永宅憶江南舊遊

偶宿俱南客相看喜盡歸湖山話不極歲月念空違子  
夜高梧冷秋陰遠漏微那無此良會惜在謝家稀

冬夜尋李永因書事贈之

棲遑偏降志疵賤倍修身近覺多衰鬢深知獨故人天  
垂五夜月霜覆九衢塵不待逢沮溺而今惡問津

立春日宴高陵任明府宅

春灰今變候密雪又霏霏坐客同心滿流年此會稀風  
成空處亂素積夜來飛且共銜盃酒陶潛不得歸

春日遊慈恩寺寄暢當

浮世今何事空門此諦真死生俱是夢哀樂詎關身遠  
草光連水春篁色離塵當從庾中庶詩客更何人

晚秋過蘇少府

九江迷去住羣吏且因依  
高木秋垂露寒城暮掩扉  
隨雲心自遠看草伴應稀  
肯信同年友相望青瑣闥

登鶴雀樓

久客心常醉高樓日漸低  
黃河經海內華嶽鎮關西  
去遠千帆小來遲獨鳥迷  
終年不得意空覺負東溪

賦得沙上雁

衡陽多道里弱羽復哀音  
還塞知何日驚弦亂此心  
夜

陰前侶遠秋冷後湖深獨立汀洲意寧知一作憂霜霰侵

夜尋盧處士

月高雞犬靜門掩向寒塘夜竹深茅宇秋庭冷石牀住  
山年已遠服藥壽偏長虛棄如吾者逢君益自傷

邠州留別

終歲山川路

一作長路來還去

生涯總

一作竟

幾

一作若

何艱難為

客慣貧賤受恩多暮角寒山色秋風遠水波

一作暮角飄長韻寒

流起

無人見惆悵垂鞚入煙蘿

一作懸愁茂陵宅春色又相過

贈張將軍

一作開府

寥落軍城暮重門返照間鼓鼙經雨暗士馬過秋閒慣

守臨邊郡曾營近海

一作磧

山關西舊業在夜夜夢中還

一作誰云張校尉萬里鑿空還

贈隱公

一作贈隱上人

世間無近遠定裏徧曾過東海經長在南朝寺最多暮

年聊

一作

化俗初地即

一作却

摧魔今日忘塵慮看心義

若何

贈別安邑韓少府

予真能自在

一作說

江海意何如  
門掩疎塵吏  
心閒閱道

書古城寒欲雪  
遠客暮無車  
杳杳思前路  
誰堪千里餘

送胡校書秩滿歸河中

古樹汾陰

一作陽

道悠悠東去  
長位卑仍解印  
身老又

一作

得還鄉河水平  
秋岸闌門向夕陽  
音書須數附

一作寄

莫

學晉嵇康

送河中張胄曹往太原計會迴

北風長至遠四牡向幽并衰木新田路寒蕪故絳城遙  
聽邊上信遠計朔南程料變當臨事遙知外國情

送郭正字歸郢上

濟江篇已出

一作上

書府俸猶貧積雪商山道全家楚塞

人大堤逢落日廣漢望通津却別

一作到

漁潭下驚鷗那

可一作肯親

題李孝廉書房

野情專易外

一作商瞿傳易教

一室向青山業就三編絕心通



萬事

一作象

閒鶯稀

一作啼

春水上草徧暮堦

一作夕陽

間莫道

歸

一作符

纈在來時棄故關

酬暢當

同遊漆沮後已是十年餘幾度曾相夢何時定得書月  
高城影盡霜重柳條疎且對尊中酒千般想未如

留別解縣韓明府

一作別解明府

閑人州縣厭賤士友朋譏朔雪逢初下秦關獨暮歸寒

茅

一作燕

下一作上

原淺殘雪

一作燒

過風微一路何相慰唯

君能政稀

一作致歸

遊鍾山紫芝觀

繫舟仙宅下，清磬落春風。  
雨數芝田長，雲開石路重。  
古房清磴接，深殿紫烟濃。  
鶴駕何時去，遊人自不逢。

晚秋宿裴員外寺院

得逢字

仲言多麗藻，晚水獨芙蓉。  
梁苑仍秋過，仁祠又夜逢。  
回林通暗竹，去雨帶寒鐘。  
願向空門裏，修持比畫龍。

一作畫

秋夜喜盧司直嚴少府訪宿

寂寂閉層城悠悠此夜情  
早涼過鬢髮秋思入柴荆  
嚴子多高趣盧公有盛名  
還如杜陵下暫拂蔣元卿

下邳客舍喜叔孫主簿鄭少府見過

良宵復杪秋把酒說羈遊  
落木東西別寒萍遠近流  
蕭條旅館月寂歷曙更籌  
不是仇梅至何人問百憂

盤屋客舍

寂寥荒壘下客舍雨微微  
門見苔生滿心慙吏到稀  
籬花看未發海燕欲先歸  
無限堪惆悵誰家復擣衣

宿韋員外宅

傳經韋相後，賜筆漢家郎。  
幽閣諸生會，寒宵幾刻長。  
座中燈泛酒，簷外月如霜。  
人事多飄忽，邀歡詎可忘。

登沃州山

沃州初望海，攜手盡時髦。  
小暑開鵬翼，新涼長鷺濤。  
月如芳草遠，身比夕陽高。  
羊祜傷風景，誰云異我曹。

宿岐山姜明府廳

暝色休羣動，秋齋遠客情。  
細風和雨氣，寒竹度簾聲。  
日

覺蹉跎近天教嬾慢成誰能謁卿相朝夕弄浮榮

上巳日

共來修禊事內顧一悲翁玉鬢風塵下花林絲管中故  
山離水石舊侶失鵷鴻不及遊魚樂裊回蓮葉東

登樂遊原

園廟何年廢登臨有故丘孤村連日靜多雨及霖休常  
與秦山對曾經漢主遊豈知千載後萬事水東流

題惟幹上人房

繩牀茅屋下獨坐味閑安苦行無童子忘機避宰官是  
非齊已久夏臘比應難更悟真如性塵心稍自寬

會鳳翔張少尹南亭

遠過張正見詩興自依依西府軍城暮南庭吏事稀草  
簷宜日過花圃任煙歸更料重關外羣僚候啟扉

早春宴高陵滑少府

得昇字

且寬沈簿領應賴酒如澠春夜霜猶下東城月未昇清  
言饒醉客亂舞避寒燈名字書仙籍諸生病未能

寒蜂採菊蕊

遊颺下晴空尋芳到菊叢帶聲來蕊上連影一作飲在香

中去住霑餘霧高低順過風終慙異蝴蝶不與夢魂通

題楊著別業

柳巷向陂斜回陽噪亂鷗農桑子雲業書籍蔡邕家暮  
葉初翻砌寒池轉露沙如何守儒行寂寞過年華

送太僕寺李丞赴都往桃林塞

遠過桃林塞休年自昔聞曲河隨暮草重阜接閒雲造

父為周御詹嘉守晉軍應多懷古思落葉又紛紛

宋中

百戰無軍食孤城陷虜塵為傷多易子翻弔淺為臣漫  
漫東流水悠悠南陌人空思前事往向曉淚霑巾

陪讌湖州公堂

謝公為楚郡坐客是瑤林文府重門與儒源積浪深壺  
觴邀薄醉笙磬發高音末至才仍短難隨白雪吟

尋覺公因寄李二端司空十四曙



少年嘗昧道無事日悠悠及至悟生死尋僧已白頭雲  
迴廬瀑雨樹落給園秋為我謝宗許塵中難久留

送郭秀才赴舉

鄉賦鹿鳴篇君為貢士先新經夢筆夜纔比棄繻年海  
雨沾隋柳江潮赴楚船相看南去雁一作岸去離恨倍潸然

送王閏

一作潤

相送臨漢

一作寒

水愴然望故關江燕連夢澤楚雪入商

山語我他年舊看君此日還因將自悲淚一灑別離間

送蜀客還

萬峯深積翠路向此中難欲暮多羈思因高莫遠看卓  
家人寂寞揚子業荒殘唯見岷江水悠悠帶月寒

送海州盧錄事

之官逢計吏風土問如何海口潮陽近青州春氣多郊  
原鵬影到樓閣蜃雲和損益關從事期聽勞者歌

登鍾山館

匹馬宜春路蕭條背館心澗花寒夕雨潭水黑朝林野

市魚鹽隘江村竹葦深子規何處發青樹滿高岑

秋日

一作落照

照耀天山外飛鷗幾共過微紅拂秋漢片白透長波影  
促寒汀薄光殘古木多金霞與雲氣散漫復相和

贈苗員外

為郎日賦詩小謝少年時業繼儒門後心多道者期晚

一作曉

迴長樂殿新出夜

一作永

明祠行樂西園暮春風動

柳絲

詣順公問道

此身知是妄遠遠詣支公何法住持後能逃生死中秋  
苔經古徑葺葉滿疎叢方便如開誘南宗與北宗

廢慶寶寺

一作司空曙詩

黃葉前朝寺無僧寒

一作閑

殿開池晴龜出曝松暝鶴飛

迴古井

一作砌

碑橫草陰廊畫雜苔禪宮亦銷

一作衰

歇塵

世轉堪哀

赴許州留別洛中親故

淳風今變俗末學誤為文幸免投湘浦那辭近汝墳山  
遮魏闕路日隱洛陽雲一作城誰念聯翩翼烟中獨失羣

送葉尊師歸處州

風馭南行遠長山與夜江羣祆離分野五嶽拜旌幢石  
髓調金鼎雲漿實玉缸  
折折吠聲曉洞府有仙厖

御定全唐詩卷二百六十八

欽定四庫全書

御定全唐詩卷二百六十九

耿漳

酬張少尹秋日鳳翔西郊見寄

鼎氣孕河汾  
英英濟舊勲  
劉生曾任俠  
張率自能官  
佐征西府名  
齊將上軍秋  
山遙出浦野  
鶴暮離羣遠  
恨邊笳起勞  
歌騎吏聞廢  
關人不到荒  
戍日空曛草  
木涼初變陰  
晴景半分疊  
蟬臨積水亂  
燕入過一作高雲麗藻

終思我衰髯亦為君閒吟寡和曲庭葉漸紛紛

春日書情寄元校書伯和相國元子

數歲平津邸諸生出門

一作問

時羈孤力行早疎賤託身

遲芳草看無厭青山到未期貧居悲老大春日茅茨  
衛玠瓊瑤色玄成鼎鼎姿友朋漢相府兄弟謝家詩律  
合聲雖應勞歌調自悲流年不可住惆悵鏡中絲

奉送崔侍御和蕃

萬里華戎隔風沙道路秋新恩明主啟舊好使臣修旌



節隨邊草關山見戍樓俗殊人左衽地遠水西流日暮  
冰先合春深雪未休無論善長對博望自封侯

春日即事

芳菲那變易年鬢自蹉跎室與千峰對門唯二仲過官  
情知己少生事託人多草色微風長鶯聲細雨和幾時  
猶滯拙終日望恩波縱欲論相報無如漂母何

仙山行

深溪人不到杖策獨緣源花落尋無徑雞鳴覺近村數

翁皆藉草對奕復傾尊看畢初為

一作  
圖

局歸逢幾世孫

雲迷入洞處水引出山門惆悵歸城郭樵柯迹尚存

得替後書懷上第五相公

誰語恓惶客偏承顧盼私應逾骨肉分敢忘死生期山  
縣唯荒壘雲屯盡老師庖人寧自代食藥謬相推黃綬  
名空罷青春鬢又衰還來掃門處猶未報恩時獨立花  
飛滿無言月下遲不知丞相意更欲遣何之

入塞曲

將軍帶十圍重錦製戎衣猿臂銷弓力虬鬚長劍威首  
登平樂宴新破大宛歸樓上姝姬笑門前問客稀暮烽  
玄兔急秋草紫騮肥未奉君王詔高槐晝掩扉

送姚校書因歸河中

十年相見少一歲又還鄉去住人惆悵東西路渺茫古  
陂無茂草高樹有殘陽委棄秋來一作收餘稻彫疎採後桑  
月輪生舜廟河水出一作入關牆明日過閭里光輝共閭

郎一作香

題清源寺

即王右丞故宅

儒墨兼宗道雲泉隱舊

一作舊結

廬孟城今寂寞輞水自紆

餘內學銷多累西林

一作園

易故居深房春竹老細雨夜

鐘疎陳跡留金地遺文在石渠不知登座客誰得

一作學

蔡邕書

奉送蔣尚書兼御史大夫東都留守

副相威名重春卿禮樂崇錫珪仍拜下分命遂居東高  
旆翻秋日清鏡引細風蟬稀金谷樹草徧德陽宮教用

儒門儉兵依武庫雄誰云千載後周召獨為公

喜侯十七校書見訪

東城獨屏居有客到吾廬發廩因春黍開畦復翦蔬許  
酣令乞酒辭窶任無魚徧出新成句更通未悟書藤絲  
秋不長竹粉雨仍餘誰為一作須張燭涼空有望舒

晚春青門林亭燕集

都門連騎出東野柳如絲秦苑看山處王孫逐草時歡  
遊難再得衰老是前期林靜鶯啼遠春深日過遲落花

今日思秉燭古人詩對酒當為樂雙杯未可辭

晚秋東遊寄猗氏第五明府解縣韓明府

步出青門去疎鐘隔上林四郊多難日千里獨歸心暮  
鳥聲偏苦秋雲色易陰亂墳松柏少野徑草茅深灞涘  
袁安履汾南宓賤琴何由聽白雪祇益淚霑襟

奉和元承

一作承

杪秋憶終南舊居

白玉郎仍少羊車上路平秋風搖遠草舊業起高情亂  
樹通秦苑重原接杜城溪雲隨暮淡野水帶寒清廣樹

一作  
附

留峯翠間門響葉聲近樵應已燒多稼又新成解  
佩從休沐承家豈退耕恭侯有遺躅何事學泉明

晚夏即事臨南居

何須學從宦其奈本無機蕙草芳菲歇青山早晚歸  
廣庭餘落照高枕對閒扉樹色迎秋老蟬聲過雨稀艱難  
逢事異去就與時違遙憶衡門外蒼蒼三徑微

省試驪珠詩

是日重泉下言探徑寸珠龍鱗今不逆魚目也應殊掌

上星初滿盤中月正孤  
酬恩光莫及照乘色難踰  
欲問投人否先論按劔  
無僮憐希代價敢對此冰壺

元日早朝

九陌朝臣滿三朝候鼓  
賒遠珂時接韻攢炬偶  
成花紫貝為高闕黃龍  
建大牙參差萬戟合左  
右八貂斜羽扇紛朱檻  
金鑪隔翠華微風傳曙  
漏曉日上春霞環珮聲  
重疊蠻夷服等差樂和  
天易感山固壽無涯渥  
澤千年聖車書四海家  
盛明多在位誰得守蓬  
麻



送歸中丞使新羅

一本題下有冊立帛祭四字

遠國通王化儒林得使臣

一作立

君成典冊萬里

一作行帛

奉絲綸雲水連孤棹恩私在一身悠悠龍節去渺渺蜃

樓新望裏行還

一作山仍

暮波中歲又春昏明看日御

一作脚又

作色靈怪問舟人城邑分華夏衣裳擬縉紳他時禮命畢

歸路勿

一作不

迷津

贈興平鄭明府

海內兵猶在關西賦未均仍勞持斧使尚宰茂陵人遙

夜重城掩清宵片月新綠琴聽古調白屋被深仁跡與  
儒生合心惟靜者親深情先結契薄宦早趨塵貧病休  
何日艱難過此身悠悠行遠道冉冉過一作遇良辰明主  
知封事長沮笑問津悽惶忽相見欲語淚霑巾

和王懷州觀西營秋射

得寒字

謝公親校武草碧露漫漫落葉停高駕空林滿從官迎  
籌皆疊鼓揮箭或移竿名借三軍勇功推百中難主皮  
山郡晚飲筭柳營寒明日開鈴閣新詩雙玉盤

晚登虔州即事寄李侍御

章溪與貢水何事會波瀾  
萬里歸人少孤舟行路難  
春光浮曲浪暮色隔連灘  
花發從南早江流向北寬  
故交參盛府新角聳危冠  
楚劍期終割隋珠惜未彈  
酒醒愁轉極別遠淚初乾  
願保喬松質青青過大歲一作寒

奉和第五相公登鄱陽郡城西樓

茂德為邦久豐貂舊相尊  
發生傳雨露均養助乾坤  
曉

肆登樓目春

一本缺

銷戀闕  
窺女牆分吏事遠

一作闕道一本缺

啟津門溢浦潮聲盡鍾陵暮色繁夕陽移夢土芳草接

湘源封內羣忙復兵間百賦存童牛耕廢畝壕木一作水

遶新村野步漁聲

一作歌

溢荒祠鼓舞喧高齋成五字遠

岫發孤援一顧承英達多榮及子孫家貧仍受賜身老

未酬恩屬和瑤華曲堪將繫組綸

甘泉詩

并序

甘泉美良牧也覃懷舊水鹹鹵人多被

一作疫

患天

愍遺亡是生王公惠和既敷妙用潛應頃修壘虞

冠鑿井便漑忽遇醴泉香美若飴遂命水工浚  
餘泥葺欄備綆維人所欲萬鉞繼絜道路紛紛既  
蠲諸邪亦愈羣瘵豈止夫宜盥漱之用增烹飪之  
味客乃率然遂賦茲什

異井甘如醴深仁遠未涯氣寒堪破暑源淨自蠲邪修

綆懸冰甃新桐

一作梧

陰玉沙帶星凝曉露拂霧湧秋華

綠溢涵千仞清泠飲萬家何能葛洪宅終日閉煙霞

### 發綿津驛

孤舟北去暮心傷  
細雨東風春草長  
杳杳短亭分水陸  
隆隆遠鼓集漁商  
千叢野竹連湘浦  
一派寒江下吉陽  
欲問長安今遠近  
初年一作逢塞雁有歸行

塞上曲

慣習干戈事鞍馬  
初從小在邊城身  
微久屬千夫長  
家遠多親五郡兵  
嬾說疆場曾大獲  
且悲年鬢老長征  
塞鴻過盡殘陽裏  
樓上悽悽一作鳴鳴暮角聲

路旁老人

老人獨坐倚官樹欲語潸然淚便垂  
陌上歸心無產業  
城邊戰骨有親知  
餘生尚在艱難日  
長路多逢輕薄兒  
綠水青山雖似舊  
如今貧後復何為

贈別劉員外長卿

清如寒玉直如絲  
世故多虞事莫期  
建德津亭人別夜  
新安江水月明時  
為文易老皆知苦  
謫宦無名倍足悲  
不學朱雲能折檻  
空羞獻納在丹墀

宿萬固

一作回

寺因寄嚴補闕

曉隨樵客到青冥因禮山僧宿化城鐘梵已休初入定  
有無皆離本難名雲開半夜千林靜月上中峰萬壑明  
為報故人雷處士塵心終日自勞生

岐陽客舍呈張明府

逸妻稚子應溝壑歸路茫茫東去遙涼葉下時心悄悄  
空齋夢裏雨蕭蕭星霜漸見侵華髮生長虛聞在聖朝  
知己只今何處在故山無事別漁樵

奉和李觀察登河中白樓



城上高樓飛鳥齊從公一遂躡丹梯黃河曲盡流天外  
白日輪輕一作落海西玉樹九重長在夢雲衢一望杳  
如迷何心更和陽春奏况復秋風聞戰鼙

朝下寄韓舍人

侍臣鳴珮出西曹鸞殿分階翊綵旄瑞氣迴浮青玉案  
日華遙上赤霜袍花間焰焰雲旗合鳥外亭亭露掌高  
肯念萬年芳樹裏隨風一葉在蓬蒿

賀李觀察禱河神降雨

質明齋祭北風微駟馭千羣擁廟扉玉帛纔數雲淡淡  
笙鏞未撤雨霏霏路邊五稼添膏長河上雙旌帶溼歸  
若出敬亭山下作何人敢和謝玄暉

上將行

一作上表  
行軍中丞

蕭關掃定犬羊羣

一作胡塵已滅天山外

閉閣層城白日

一作陰陰日復

曛櫪上驂騑嘶鼓角門前老將識風雲旌旗四面寒山

映

一作高秋見

絲管

一作竹

千家靜夜聞誰道古來多簡冊

一作

計功臣

一作成

唯有衛

一作是李

將軍

一作更想他時看竹帛功成不獨霍將軍

許下書情寄張韓二舍人

謫宦軍城老更悲  
近來頻夜夢丹墀  
銀杯乍滅心中火

金鑷唯多鬢上絲

一作乍然乍滅心中漸鑷漸多鬢上絲

繞院

一作履又作徑綠

苔聞雁處滿庭黃  
葉閉門時故人高  
步雲衢上肯念前

程杳未期

九日

重陽寒寺滿秋梧  
客在南樓顧老夫  
步蹇強登遊藻井  
髮稀那更揷茱萸  
橫空過雨千峰出  
大野新霜萬葉枯

一作萬  
壁鋪

更望尊中菊花酒殷勤能得幾回沽

送大谷高少府

縣屬并州北近胡悠悠此別宦仍孤應知史筆思循吏  
莫料轅門笑魯儒古塞草青宜牧馬春城月暗好啼烏  
彫殘貴有親仁術梅福何須去隱吳

同李端春望

二毛羈旅尚迷津萬井鶯花雨後春宮闕參差當晚日  
山河迤邐靜纖塵和風醉裏承恩客芳草歸時失意人

南北東西各自去年年依舊物華新

嶽祠送薛近貶官

枯松老柏仙山下白帝祠堂枕古逵  
遷客無辜祝史告神明有喜女巫知  
遙思桂浦人空去遠過衡陽雁不隨  
度嶺梅花翻向北回看不見樹南枝

送友人遊江南

遠別悠悠白髮新江潭何處是通津  
潮聲偏懼初來客海味唯甘久住人  
漠漠煙光前浦晚青青草色定山春

汀洲更有南迴雁  
亂起聯翩北向秦

長門怨

聞道昭陽宴  
嘯蛾落葉中  
清歌逐寒月  
遙夜入深宮

秋日

反照入閭巷  
憂來與誰

一作愁  
來誰共

語古道無

一作少

人行秋

風動禾黍

秋夜

高秋夜分後  
遠客雁來時  
寂寞重門掩  
無人問所思

慈恩寺殘春

雙林花已盡，葉色占殘芳。  
若問同遊客，高年最斷腸。

早次耆

一作鄱縣界

足馬曉路

一作言

歸悠悠，渭川道晴山。  
向孤城，秋日滿白

草

路傍墓

石馬雙雙當古樹，不知何代公侯墓。  
墓前靡靡

一作春菲菲

草深，唯有行人看碑路。

代園中老人

傭賃難

一作誰

堪一老身皤皤力役在青春林園手種唯

吾事桃李成陰歸別人

古意

雖言千騎上頭居一世生離恨有餘葉下綺窗銀燭冷  
含啼自草錦中書

涼州詞

國使翻翻隨旆旌隴西岐路足荒城羶裘牧馬胡雛小



日暮蕃歌三兩聲

安邑王校書居

秋來池館清夜聞宮漏聲迢遞玉山迴泛灩銀河傾琴  
上松風至窗裏竹煙生多君不家食孰云事巖耕

登總持寺閣

今日登高閣三休忽自悲因知筋力減不及往年時草  
樹還如舊山河亦在茲龍鍾兼老病更有重來期

寄錢起

一作司空曙詩

金少卿集卷二十九  
草長花落樹羸病強尋春無復少年意空餘華髮新青  
原高見水白社靜逢人寄謝南宮客軒車不見親

宿青龍寺故曇上人院

年深宮院在閑客自相逢閉戶臨寒竹無人有夜鐘降  
龍今已去巢鶴竟何從坐見繁星曉淒涼識舊峯

新蟬

一作司空曙詩

今朝蟬忽鳴遷客若為情便覺一年謝能令萬感生微  
風方滿樹落日稍沈城為問同懷者淒涼聽幾聲

秋中雨田園即事

漠漠重雲暗蕭蕭密雨垂為霖淹古道積日滿荒陂五  
稼何時穫孤村幾戶炊亂流發通圃腐葉著秋枝暮爨  
新樵溼晨漁舊浦移空餘去年菊花發在東籬

拜新月

一作李  
端詩

開簾見新月便即下階拜細語人不聞北風吹裙帶

客行贈人

旅行雖別路日暮各思歸欲下今朝淚知君亦溼衣

贈山老人

白首獨一身青山為四隣雖行故鄉陌不見故鄉人

贈胡居士

孔融過五十海內故人稀相府恩猶在知君未拂衣

薦福寺送元偉

送客攀花後尋僧坐竹時明朝莫回望青草馬行遲

觀鄰老栽松

雖過老人宅不解老人心何事斜陽裏栽松欲待陰

哭麴象

一作司空曙詩

憶昨秋風起君曾歎逐臣何言芳草日自作九泉人

哭苗垂

舊友無由見孤墳草欲長月斜鄰笛盡車馬出山陽


題雲際寺故僧院

白髮怱怱色青山草草心遠公仍下世從此別東林

句

高樹多涼吹疎蟬足斷聲

見海錄碎事



御定全唐詩卷二百六十九